

TE HUUURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matabiti hoê.

Nu. 12.

Ditema 1929.

Mat. 23.

*"E e putuputuhia ratou i to ratou purara-maoro-raa ra,
mai te mau fenua moana mai. e mai na pae e maha no te fenua
nei; e e rahi te mau nuna Etene ra i to'u mata, a hopoi ai ia
ratou i to ratou ra fenua a'ia, te na reira maira te Atua.
(2 Nephi 10:8)*

Te Faaroo no te Feia Mo'a Mau.

Ua iritihia teie nei parau na roto mai i te buka: "Te Hiro'a Faaroo
tei papaihia e Tamate Aposetolo; Faaauhia ei reo Tahiti e Elita.

*HIRO'A 10. Te faaroo nei matou e ***** E faaapîhia
hoi te fenua nei, e e faahoîhia mai te hanahana o to'na huru
paradaiso ra.*

(E tuatiraa teie nei parau.)

TE FAAAPIRAA E TE TIA-FAAHOU-RAA

TE FAAAPIRAAHIA O TE AO NEI

UIRAA 1. Eaha te huru o te ao nei?

P. I te taime i amu ai Adamu i te raau i te ôi Edene ra,
ua faainohia te fenua, mai reira mai â ua tupu noa te tata-
ramoa, e te motuu e te mau raau rii au ore. I te reira taime
atoa ua enemi te tahi puaa i te tahi e ua iritihia'tu te aroha

e te here no ô mai nei i te ao nei ia vai noa â te mauui e te mamae e tae noa'tu i te mahana no te meleniuma.

Uiraa 2. Eaha te huru o te ao nei a faaapîhia'i oia?

P. Mai te au i te mau parau papai, ia faahuru-ê-hia te ao nei mai te pohe e tia'i, e e faaapî-faahou-hia hoi te reira mai te tia-faahou-raa. Ua hamanihia te mau mea atoa no te hoé tumu i itehia e te Atua, e i te taime e faaîhia'i taua tumu ra e faaapî-faahou-hia ia te mau mea'toa ia nehenehe ia ratou ia haere i mua.

I roto i te meleniuma e vai ia te taata tahuti e te tahu-ti-ore i nia iho i te ao nei, oia hoi, ratou o tei pohe na e tei tia-faahou mai; e ratou atoa o te ore ê â i pohe. Ia hope râ taua taime ra e ia faaapîhia'i te ao nei, hoé noa iho ia huru taata ei reira, oia hoi ratou o tei tia-faahou e o tei roaa ia ratou to ratou tino tahuti ore.

Na Paulo i parau mai i te tahi parau no te reira mai te na ôraa mai e; "O te hopea iho â ia, e pûpû atu ai oia i te basileia i te Atua, i te Metua ra; ia hope roa te mau hau, e te mana, e te puai i te faaorehia e ana: ei ia'na hoi te hau, e ia hope roa te mau enemi atoa i te tuuhia e ana i raro aé i ta'na avae. E taua enemi hopea ra o tei pohe, é tei haamouhia ia." (I Korinetia 15:24-26)

E te na ô atoa maira te heheuraa ia Iospha Semita i teie nei ui e:--"E riro teie nei ao, i roto i to'na huru hanahana e te tahuti ore; mai te hió maramarama te huru, e e riro oia ei Urima e Tumima i te mau taata o te noho i nia iho, e na roto i te reira e ite ai ratou i te mau mea no te basileia i raro aé, e aore râ e faaitehia te mau mea no te mau basileia i raro aé ia ratou e te noho i nia iho i te reira; e ta Mesia ia e ao nei." (Buka Fafau 130:9)

Parau Tauturu: "E faaorahia hoi te mau mea hamanihia nei i te tapea ra o te pohe, ia noaa te tiamâ maitai o te tamarii a te Atua ra. Ua ite hoi tatou e, te uuru tahi nei te mau mea atoa i hamanihia nei ma te mauui fanau ra e tae

roa aénei i teie nei mahana. E ere hoi o ratou anaé ra, o tatou atoa nei, o tei noaa te huero matamua a te Varna ra, o tatou iho â tei uuru i roto ia tatou iho, i te tatairaa'tu i te faatamarii-tavai-raa, oia te faaoraraa i to tatou nei tino." (Roma 8:21-23)

Ua hamata mai nei te ohipa no te faaineineraa no taua mahana rahi nei, na roto i te taeraa mai o Eliaha, mai tei faaitehia i roto i te Malaki 4:5-6. Ua fâ mai oia ra ia Iotepha Semita raua Olive Taudere i roto i te hielo i Ketelani i te matahiti 1836 mai te horoa ma i te mau taviri no te mau ohipa i roto i teie nei tau tuuraa Evanelia ia haere â te ohipa no te faahoîraahia mai o te mau mea, ia ineine maitai te ao nei no te mahana faaapîraa ra. I roto i te Meleniuma e rave-â-hia ia te reira ohipa: oia hoi; e tamâhia te mau manaó no te mau taata; e vai noa ra te mau nunaa mai te hau e te peapea ore; e hope ia te mau tamaí; e faahauhia ia te mau puaa'toa; e e faatupu maitai faahou mai te ao nei i te mau faaapu.

I to Ioane faaiteraa mai i te mau mea e tupu a oti ai na matahiti e hoé tausani ra, ua na ô maira oia e; "E ite atura vau i te raí api e te fenua apî; ua mou hoi tei mutaa iho raí, e tei mutaa ihora fenua; e aore aéra e miti." (Apokalupo 21:1) mai te reira atoa te parau na Iareda i te na ôraa e: "E e riro te hoé raí apî e te fenua apî; e e au te reira i te mea tahito, maori râ ua reva'tu te mea tahito e ua faaapîhia te mau mea atoa." (Etera 13:6)

Uiraa 3. Te nahea maira te haapiiraa na te taata iho no te hopea o te ao nei?

P. E rave rahi te manaó noa i tuuhia maira no te reira, area râ, aita roa te feia paari roa i ite papu i te hoé mea e, no reira te mamu noa ra ratou, no te mea aita e papuraa maori râ manaó noa. Ua na ô maira te hoé taata paari e: "Aita te mau haapiiraa na te taata i faaite mai i te papuraa no te hamataraa mai e te hopea atoa hoi o teie nei ao."

(James Hutton)

E Parau Na Te Heheuraa Apî

Papaihia e Aneterea Sedamana

E te mau hoa here no te fenua moana na; ia ora na i te aroha o te Fatu O Iesu Mesia ra. E mea maoro aita vau i papai atu i te parau apî ia outou na, no reira tupuhia ihora vau i te hinaaro i te faaite faahou atu i to'u manaó ia outou na.

Te parahi nei au i te oire Porovo ra, i te fenua Utaha nei. E oire huru rahi hoi ia. E riro paha ia e 17,000 taata o tei parahi i o nei i Porovo nei. Tei o nei hoi te Haapiiraa rahi i haamatahia e Birigamu Iona. E haapiiraa maitai roa ia no to tatou Ekalesia. Te rave nei au i te ohipa no te hoé fare toa rahi ra.

Inanahi râ, te parahi ra vau i to'u fare nei. Te faaroo ra vau i te parau tei tae mai na nia mai i te Radio, oia hoi te machine parau taniuuu ore. Faaroo ihora vau i te hoé reó ite-papu-hia e au o te reó ia no te hoé taata herehia e outou na, oia ia O Alama, to outou ia Peretiteni i hoi aénei mai rotopu ia outou na. Te faaite ra oia i to'na ra manaó i te feia o te Ekalesia ra, o tei haaputuputu i roto i te Fare Menemene rahi i Roto Miti ra. O te amuiraa rahi hoi ia no te Ekalesia atoa ra. Na te Peretiteni rahi o te Ekalesia, Oia, i ani ia faaite to'na ra manaó. E manaó maitai ana'e hoi ia. Ua faaite mai ra oia i te huru maitai o te mau feia o te Ekalesia i te paeau moana na. Ua na ô maira oia e, "E feia maitatai anae ia, o ta rave nei i te ohipa o te Ekalesia i te mau fenua moana ra". E feia itoito, e feia rave-ohipa maitai anae hoi, e feia tauturu, e feia o te imi i te mau mea maitai o te varua ra. Faaite maira oia, te tupu noa nei te ohipa a te Ekalesia i ô ia outou na.

E maururu rahi hoi, tei tupu i roto to'u aau i to'u faaroo i taua mau parau maitai no outou na.

Haamanaó ihora vau i to'u ohipa i ô ia outou na. E haamanaó ihora hoi au i to'u mau hoa, e to'u mau taeae e to'u mau tuahine i ô na. A faaitoito outou i te rave-noa-raa

i te ohipa maitai a te Fatu ra. Ia rahi roa'tu to outou mau haamaitairaa.


E Peretiteni itoito, to outou i teie nei, e taata paari e te maitai hoi, oia hoi, O Tihoti.

E au mau hoa e, a tauturu outou ia'na ra. Faaitoito i te mau mahana atoa ra. Poro-haere noa'tu na outou i te parau Evanelia, ia roaahia ia e te mau taata atoa ra.

Ua tere aéne au i Roto Miti, tamaa ihora vau i te fare o Leroi, o te taata faatai pû ia, ua tamaa ai au i reira ra, farerei ihora vau ia Eraneta e O Vaneta. Ua hoí aénei raua no ô mai te fenua Farani ra. Ua Peretiteni aénei oia i te reira paeau o te Ekalesia. E taata itoito iho â oia, e ta'na vahine ra, hoé anaé huru iho a ia e oia ra.

A pahono mai na outou a papai mai na i te rata, e faaite mai na outou i te huru o to outou na mau haereraa.

A tano noa'tu outou i te ohipa mau, ia arataihia outou i o atu i te vahi maitai parau-tia ra. O to'u ia hinaaro ia outou atoa na, o to'u pure hoi ia, na roto i te io'a o Iesu Mesia ra, oia te aratai mau ra. Amene



E hohoa tahito teie no na fare hahpiiraa e piti na te Ekalesia i te oire Porovo. Te vai atu ra na fare rahi e pae i fatata mai i teie nei na fare, e tei ore i faaitohia i roto i teie hohoá.

Te Atua Ite-ore-hia

“Teie hoi te ora mnre ore, ia ite ratou ia oe i te Atua mau ra, e ia Iesu i te Mesia i ta oe i tonu mai.” (Ioane 17:3)

Aita i nehenehe ia tatou ia haamori i te atua ite-ore-hia ia ite ra tatou i te tahi mau vahi o te huru o te Atua e tia'i.

I teie nei mau mahana te mârô nei te tahi i te tahi i nia i te mau haapiiraa a te Atua, e te tumu rahi ratou i mârô ai, no te mea, ua iriti te Atua i to'na varua mai rotou ia ratou no to ratou taivaraa ia'na ra.

Ua faaite te Atua i to'na huru mau ia Adamu e te mau peropheta i mutaa ihora, e mea papu ia ratou ra. I te tau a parahi ai Iesu i rotou i te taata nei, ua faaite-faahou-hia te huru mau o te Atua. E te'e nei mau mahana, te parau maira te mau haapaoraa êê aita i papu ia ratou te huru mau o te Atua. E homa, eaha te tumu i ore ai ratou i ite i te huru o te Atua, teie te tumu, no te mea, e ua taiva ratou e aita roa te Atua i parau faahou ia ratou. No reira, te tamai noa ra ratou, te tahi i te tahi.

I te tau no Noa, ua tuu mai te Atua i te hoé Diluva e ua pohe to te fenua atoa. Te tumu Oia i na reira ai, no te mea, ua faahuru ê ratou i te mau oroa moé Ta'na i tuu mai ia ratou ra, e ua taiva ratou, e no reira, ua riri roa te Atua ia ratou e ua faautua ihora Oia ia ratou.

A taió outou i roto i te Isaia i te pene ono “I te matahiti i pohe ai te arii ra o Uzia, hió atura vau ia Iehova i te parahiraa i nia i te terono teitei e te teniteni; e ua i hoi te hiero i te hiti ahu roroa no'na ra. Ua na ô a'era hoi au, aue hoi au nei e, ua mamu iho nei au; e taata viivii hoi au; e tei rotou hoi au i te mau taata vaha viivii atoa i te parahiraa: ua hió hoi tau mata nei i te arii, ia Iehova Sabaota ra.”

Ua mauaó ani outou e, e mea ite-ore-hia te Atua e ratou, oia hoi, te feia tahito? Aita roa, ua papu te huru o te Atua

ia ratou.

A parahi ai Iesu i rotopu i te taata nei, aita roa Oia i fariihia e ratou, e i muri aé i to'na poheraa, tamata ihora ta'na mau Aposetolo i te faaite ia ratou, aita ra ratou i farii. I te poheraa o te mau Aposetolo, haamata ihora te mau pîpî i te faahuru ê i te mau oroa moá ta'na i vaiho mai. Ua ô mai te mau peu etene i roto i te Ekalesia, ua faahuru ê ratou i te babetizoraa e te mau oroa moá atoa; no reira te Atua i rave ai i ta'na mana mai roto mai ia ratou e ua rave ratou i te ohipa na roto i to ratou iho ite, eiaha na roto i te varua o te Atua.

I te matahiti 1820 ua parau faahou te Atua i te taata nei, e ua faaite faahou oia i to'na huru mau i te Peropheta o Iosepha Semita. E i muri iho i te reira, ua faahoí mai te Atua i te Autahuáraa, oia hoi, to'na mana i te fenua nei, na roto i Ta'na tavini Iosepha Semita. Tè faahapa nei to te mau haapaoraa atoa i te Ekalesia a Iesu Mesia i te Feia Moá i te Mau Mahana Hopea Nei, mai ratou i faahapa i te mau Peropheta e Iesu atoa hoi. E mea tia roa ia outou ia taió i te mau parau ta te Aposetolo Paulo i faaite i te mau taata i te oire ra, O Roma, "E ia imi ratou i te Fatu, peneia'e o te perehahu atu ratou ia'na e itea'tu, aita ra oia i atea ê atu ia tatou atoa nei: no'na hoi to tatou ora, e i hahaere ai, e i parahi ai hoi."

Papaihia e Gihoti Borobiti

"E tuatihia teie nei parau"

Roto Miti, Utaha, Amarika,
Te 5 no Atopa, 1929.

TO TE FEIA MOANA E HOPE ROA'E, -- TE MAU
TAEAE E TE MAU TUAHIME, E TAE NOA'TU I TE
MAU OROMETUA E TO TATOU MAU HOA.

Te parau ia e au ia tatou, ia ora na'e tatou i te aroha o to tatou Metua here i te ao ra.

Te na ô maira te Fatu, mai te papaihia i Mataio 12:34, "No te i o te aau hoi i parau ai te vaha".

Teie hoi matou i putuputu mai i teie nei po, i te 5 no Atopa nei, ei sotaiete orometua ho'i mai no Tahiti mai. I o nei atoa to matou mau vahine e te hoa here, e te tahi pae o te tamarii. Te tumu ia matou i putuputu mai ai, ia faatupu-faahou-hia te haamanaóraa e te aroha ia outou na.

Ua rau hoi to matou mau huru,-- e ohipa ê to tahi' e ohipa ê to tahi, e ati to te tahi, e peapea to te tahi, e oaoa hoi to te tahi; i teie nei po ra ua hoé to matou mau aau i te haamanaóraa e te haamaitairaa i te mau hoa maitai te parahi i te fenua moana ra. Aita'toa i moé ia matou o ratou hoi tei oti ta ratou oraraa i roto i te ao nei, e tei ravehia e te Fatu. Te faatupu nei matou i te tahi pureraa, te himene, te arearea iti, e tae noa'tu i te amuraa maa; e na roto hoi i teie farereiraa o matou nei, te tupu nei te hinaaro ia farereitino faahou ia outou na.

Faaitoito â tatou. Faaitoito outou i te rave i te ohipa a te Fatu i tena paeau; tahoé i to outou mau manaó e te aau i to outou Peresideni, to Gihoti hoi, e to ta'na vahine, e to te mau orometua hoi, ia puai hoi to outou mana, e ia manuia ta outou mau raveraa parau-tia.

Te faaite atu nei matou i to matou aroha e te haamaitairaa ia outou paatoa na roto i teie rata iti, e ia faatupuhia e te Atua to outou mau hinaaro parau-tia, to matou ia pure mau. Tera ia to matou mau i'oa i papaihia i raro nei:

Adamu Minera	Eraneta Rositera
Veneta Rositera	Tofi Rositera
Vero Petesona	Aneta Petesona
Etera Hata	Taratona
Etara Topera	Mama Borobiti
Henere	Viliamu Teara

Oravare Jonetona
 Tiulia Petesona
 Ioane Orotona
 Melavina Farona
 Tamati Borobiti
 Ruita

Ole Petesona
 Leroi Marai
 Josepha Petesona
 Viliamu Pupure
 Vereuma Orotono
 Alama

Te Mau Parau Apî

TAOTORAA MAU

Ua tae mai te parau no te hoé puaahorofenua i te hoé oire i Amarika, e mea ruáu roa ona e piti ahúru tiahapa to'na matahiti e ua pau to'na itoitōraa. Hoé ahuru oia i te matapo no te mea te taoto noa ra e aita ona e hió i te mau vahi haerehia e ana ra. Ia tae te hoé mahana te haere ra oia i nia i te purumu e te vaira te hoé apoo hohonu roa aita ra teie puaahorofenua i ite, e ua tora i hora oia i roto. Ua hió aroha ta tahi mau taata no te hau ia'na e ua rave ratou i te taura te mau mea au no te iritiraa ia, na mai raro mai i tana apoo ra. E piti hora ta ratou rave ra te ohipa ei tautururaa ia'na, e te taoto noa ra teie puaahorofenua, ia oti ra ratou i te afai ia'na i nia ua ara oia e mea puai to'na horo raa atu.

E RAVEA API

Ua itehia te hoé ravea api no te haapoheraa i te iore. I te tau o te tamaí rahi i Farani, ua tuuhia te mau huru mataí taero no te haapoheraa o te taata. I teie nei ra, ua ravehia teie mau mataí taero no te haapoheraa i te mau iore. Ua tuuhia taua mataí taero ra i roto i te mau apoo iore, e ia tae ai te mau pahi i te pae uahu, ua opanihia te mau hati e ua tuuhia te mataí taero i roto i te pahi ia pohe te mau iore no te pahi. Ua riro teie ravea api ei tauturu rahi i te

mau taata atoa, no te mea, na mau iore i afai haere i te hoé mau mai ino roa, e ua rahi atoa hoi te mau maa maitai pau ia ratou.

TE PARAU API A TE AMUIRAA I FAATIAHIA I HAO

Te amuiraa a te Ekalesia a Iesu Mesia i te Feia Moá i te Mau Mahana Hopea Nei, o te faatupuhia i Otepa Hao, i te 6 no Atopa m. 1929. Te mau ohipa i ravehia e te mau Amaa i tairuru mai.

1. Te Amaa i Hikueru; tufaa hoé ia.
2. Te Amaa i Amanu e Marokau; te tufaa piti ia.
3. Te Amaa i Tauere e Vahitahi; te tufaa toru ia.
4. Te Amaa i Hao; te tufaa maha ia.

Te mau tufaa ohipa i operehia te mau haapiiraa Evanlia, te mau himene, te mau faatereraa hohoá, e te mau faatairaa kitara.

I te 7 no Atopa i te hora hitu i te pô, na to Tauere e to Vahitahi te haapiiraa, parau tumu; 2 Timoteo 2:3-4, parau no te faehau a Iesu Mesia, Hebera 11:32-34, Mataio 28:18, Iosua 5:13-15, Petelo 5:8, Maleka 5:6-12, 1 Ioane 5:16, Taratia 5:19-21. Ephetia 6:13-14, Daniela 7:27-28, hohoá no te oire moá no Ierusalema api.

Te hohoá no Ioane i Patamo. Amota 4:2; Ieremia 16:16, Habasuta 1:14, Mataio 4:18-19, Isaia 1:5, Mataio 24:14, Ioane 21:56, Mataio 13:17-19, Habasuta 1:15, Etetiela 17:10, Himene reo tarava.

I te 8 no Atopa. Na te pupu tamarii no te amaa Hao, haapiiraa no te mau parau ta Iesu i haapii mai. Deuderonomi 5:6-22, Mataio 5, Himene reo tarava e te kitara.

I te 9 no Atopa. Faatereraa hohoá, no te amaa i Hao, parau tumu, Genete 27:1-46; 28:1-22. Pupu tamarii taió-raa amui, parau tumu, Alama 26:22, Himene reo tarava e te himene kitara.

I te 10 no Atopa. No te amaa Amanu e Marokau, i haapiihia no te Autahuáaraa o Merehiketaka e to Aarona e te mau Toroa i roto i taua Autahuáaraa ra. Te parau no te mau taviri a te Apokarubo Ioane ra. Faaterehia te hohoá no Lehi e Nephi e Lamana e Lemuela e Samu. Faatere-atoa-hia te hohoá no Labana e no Solama e te mau papaa parau. Hohoá no te haamataraa o Jakoba e ta'na mau tamarii tino ahuru ma piti. Te mau parau tumu no te mau haapiiraa' Getene 49:1-27, Apokaropa 4:6-10, 7:2, 8:1, 9:1, 10:1, 11:1, 1 Nephi 3:1-14 e irava 23-56-29 pene 4:7; 9; 10; 17-20. Moni tutia horoahia na te feia api no te amaa Hao, e 108 farani. Himene tarava e te kitara.

I te 11 no Atopa. No te amaa Hikueru. Haapiiraa Evanelia no te fatu o te ovine to'na ra mau tavini o tei faa-tere matutuhia e o tei tatarahia hohoá parau tumu Mataio 20:1-16. Himene tarava e te himene kitara.

I te 12 no Atopa. Haapiiraa na te feia api no te amaa Hao, faatereraa hohoá.

1. Hohoá no Takaria raua o Eritapeta.
2. Te fanauraa o Ioane.
3. Iosepha raua o Maria te fanauraa o Iesu.
4. Palaka e te mau tavana o Moabi.
5. Palaama e te Melahi. Parau taió, Salamo 1:13.

I te 13 no Atopa. Haapiiraa hohoá no te amaa Tauere. Te hohoá no Koranerio, Ohipa 10:1-33, e te hohoá no Ape-rahama, Genete 18:1-14. Hohoá no te feia api no te amaa Hikueru. Hohoá no te hoé taote tuiroo o tei tapu i te opu no te hoé taata e ua ora roa taua taata ra. Himene tarava e te kitara.

Hióraa rê. Faatereraa hohoá na te amaa Tauere e Vahitahi te rê hoé, Amanu e Marokau te rê piti.

Te pupu tamarii no Hao te rê hoé no te Evanelia e te rê piti na Amanu e Marokau.

Faatairaa kitara, na te feia api no Hikueru te rê hoé e na te feia api no Hao te rê piti.

Himene tarava, na Amanu e Marokau te rê hoé e na Hao te rê piti.

Na te feia api no Hao te rê hoé no te nehenehe o te paruru e te fata, no to Hikueru te rê piti.

Te mau Tomite, Pahoa a Tahiaroa, Depiki a Painara, Tukihiti a Makitua, Turuma a Tekehu.

Papaihia e Depiki a Painara.



PĀRAU FĀĀITE

E faatiahia i te Amuiraa Eperera na te Ekalesia
A Iesu Mesia I te Feia Moa I Te Mau Mahana
Hopea Nei, i te fenua ra i Hikueru no te mau
tufaa i nia, e i te fenua ra i Takaroa no te mau
tufaa i raro. E faatia-atoa-hia i Amuiraa i te
fenua ra i Tubuai.

PAPAIHIA E GIHOTI BOROPITI

PEREGETINI NO TE MAU FENUA MOANA NEI.



M. Bonnet M. Gerant et Imprimeur,

Rue Brea et de la rue Dumont d'Urville, Orovini, Papeete